

粵東金石略

粵東金石略自序

世多稱集古自歐陽子然碑集之作始於陳勰謝莊歟矣而梁時書目已有廣州刺史碑十二卷惡得以服嶺以南限哉爰逮會昌元祐際侘傺竚眙幽聽遙思或軼弗盡章而唐以前滌漢熹平翠琰之氣沙水汨之每對海瀾而遐睎也然什一存者猶作其芒出丹砂水銀南金大貝之上方綱八年五周厯崖州薶剔所得蓋五百餘種錄為十二卷以其有與圖經可互証者故於受代之頃錄諸板而補訂討論以俟異日若周憬功勲銘收於洪氏輒取鄭志文言略例三禮目錄之義書之其文雖具而弗備書則世

所共見也又如某段某行幾字正与州運寸尺之類或先
有拓本已而蠹且失弗追記矣蓋八年之中而拓本已蠹
且失如此其惡得不著

乾隆三十六年冬十月二十二日大興翁方綱

肇自卷端

仁皇帝宸翰

上宸翰共二十八條恭錄為首卷次廣州府金石六十七種
為第一卷次廣州南海神廟金石六十七種為第二卷
次廣州清遠禺峽山諸刻三十九種西樵山二十六種
為第三卷次韶州府金石二十二種為第四卷又二十

六種為第五卷又韶州碧落洞諸刻二十四種南山諸刻二十七種泐溪石室五種為第六卷次連州金石四十四種為第七卷次肇慶府七星巖諸刻六十二種三洲巖諸刻十五種陽春巖二種為第八卷次肇慶府金石十種惠州府十三種潮州府三十三種嘉應州二種高州府三種廣州府一種雷州府五種瓊州府十三種為第九卷最後附九曜石考上下二卷凡九曜石諸刻二十八種凡粵東金石著錄者五百六十二種為卷十有二為紙一百九十四頁

粵東金石略卷首

日講起居注官翰林院侍讀學士廣東學政臣翁方綱等

聖祖仁皇帝御書南海神廟碑

御書萬里波澄四大字揭于殿楹戶部右侍郎臣范承烈恭募上

石建碑亭于廟之大門外

授政云
皇上御極之四十二年

萬壽初屆五旬及隆秋望錫以
龍章甚盛典也而南海則小臣承烈奉

命從事焉殊官貝闡

宸翰龍頒雲漢光華照耀無極百谷之王將永戴而率舞矣豈止梯航重譯者進海不揚波之頌已哉

戶部右侍郎加七級臣范承烈恭紀

陪祭官布政使司布政使加一級臣徐錫芳恭勒

肇慶府閱江樓

聖祖仁皇帝御書碑六

岳牧之任四大字字徑尺上鈐康熙

御筆之寶

橫幅端方二字字大七寸五分上鈐康熙

御筆之寶下

臨米芾淨名齋記

臨黃一碑凡二條家在洞水西身任蘭渚客天盡無纖雲獨坐空江

碧唐句御溝風細水生波喜得春來暖漸多階下絕

無塵迹到橋邊只有侍臣過臨其昌

臨米一碑蘋風忽起吹舟楫雨打圖書裏裏亂閭門只尺不安流

何況盟津與江漢非無輕櫟並長棹逆風流水適相遭須
臾風迴水流順星宿乘槎問月高 閤門舟中戲作
駐蹕閤門舟中臨

臨董一碑小行書含漱金醴吞玉英遂至不飢三蟲三心意常和
致欣昌五岳之雲氣彭亨保灌玉虛以自償五形完堅無
灾病上覩三元如連珠落落明景照九隅五靈夜燭煥八
區子存內皇與我將身披風衣御帝書 甲戌四月臨董
其昌

一碑勒便面四一

書戰馬初閒甲士歡揮戈早已破樓蘭彌天星斗銷兵氣照澈邊

山五月寒 班師之作

御書凱旋詩扇一柄朕凱旋時所作詩因萬幾之暇偶書於扇賜卿閱地濕熱此扇之清風可以解之一

書溪上遙聞精舍鐘泊舟微徑度深松青山霽後雲猶在畫出西南四五峰一

書田田荷蓋雨聲齊樓蕊繽紛向晚迷樹葉不愁點翠幄秧針豈憶灌青畦密林有意通宵響茂草無知徧地萎偶爾喜吟今歲好湯將詩句入新題 千葉蓮池夜聞雨滴之聲一

書亂泉飛下翠屏中色共真珠巧綴同一片長垂今與古半山還影水兼風雅無舒卷隨人意自有潺湲滴物功每向暑天

來往見疑將仙子隔房櫺 唐律

以上六碑

賜總督郭世隆康熙丙戌募工石世隆有跋恭紀刻碑於側

端溪書院挾天閣

御書碑十有四

一碑樂善不卷四字字高一尺有三寸濶一尺橫書上有

康熙

御筆之寶

一橫幅永思二字字高一尺濶八寸有康熙

御筆之寶

一碑觀時見物理主敬得天真十字字方員五寸

一碑雲裏帝城雙鳳闌雨中春樹萬人家十四字字選七寸

一碑

御製虎跑泉詩松林帶餘雪空山啼百舌石合響涓涓寒泉自清

潔虎跑泉

一碑

臨董新林二月孤舟還水滿清江花滿山借問故園隱君子時時

來往在人間臨其昌

一碑

臨董書天馬賦壬午冬十二月臨董其昌

一碑

臨米書杜詩衛幕街恩重一首

一碑

臨趙孟頫書秋興賦并序康熙甲午孟春臨

又一碑

皇太子書七絕一首似將金甲寄春農阡陌軍中細柳同如

此四朝歌渡虎肯令三輔有飛鴻

以上十碑俱

賜督臣趙宏燦摹勒上石

一碑殿邦炎州四大字字高一尺四寸濶一尺二寸橫書
有康熙

御筆之寶

一碑

御製春幸詩一為陽德偕天和賓日中衡社後過東作勤耕勞衆
力西成有獲廣農科官箴先戒關河固節鉞猶經歲月多正己
精心率庶吏宣恩莫使政煩苛 春幸

一橫幅前列便面一

書四言詩一章君子之道關然日章蕙蘭之臭有風則香草木培
植格物知詳飛潛動靜各有收藏純精天地青紫芬芳奇卉松

為移根草堂題蘭後

書西銘一篇

跋云朕所書太極圖說西銘不止數百今丁酉仲春南旋舟中頗暇故又書以示所好

以上三碑俱

賜督臣楊琳摹勒上石

一碑

御製御稻詩紫芒半頃綠陰最愛先時御稻深若使炎方多廣布可能兩次見秧針 早御稻

以上一碑

賜督臣馬爾泰摹勒上石有爾泰恭跋

惠州西湖

御碑一 在栖禪寺之西堤

御書樓上

草書今代麒麟閣何人第一功君王自神武駕馭必英雄 臨董
其昌 廣東提督臣王文雄恭摹勒石

廣州府學

御製爲考試歎碑人才當義取王道豈分更放利來多怨徇私有
惡聲文宗濂洛理士仰楷模情若問生前事尚憐死後名 爲

考試歎 有康熙

御筆之寶康熙四十一年十二月

御製為考試歎詩四十二年十一月

賜提督廣東學政臣翁嵩年恭勒石並嵩年恭和詩二首勒于碑
陰又有總督兩廣臣郭世隆恭跋

府學

御碑亭內

平定朔漢告成太學碑康熙四十三年三月二十一日

御製平定金川告成太學碑乾隆十四年歲在己巳夏四月吉

日

經筵講官 太子少師協辦大學士吏部尚書臣梁詩正奉
敕敬書

御製平定準噶爾告成太學碑乾隆二十年歲次乙亥夏五月

之吉

御筆

御製平定回部告成太學碑乾隆二十四年歲次己卯十二月
之吉

御筆

粵東金石略卷第一

廣州府金石一

至聖先師像碑

先師像碑在廣州府學後圃背山燕居亭篆吳道子輩也
左有篆書

宣聖遺像四字右有八分書一段叙篆勒原委至正五年
乙酉正月望日中奉大夫廣東道宣慰使都元帥僧家
奴記承直郎廣東道宣慰使司都元帥府經歷貢師謙
篆額廣東憲曹天台張謹書

宣聖克公小影碑

在燕居亭前元皇慶二年癸丑良月廣州路學重刊謹
按顏子唐贈兗國公宋曰之元至順時始贈復聖公此
碑尚在改贈之前故仍兗國之號

此碑下段勒重募顏魯公書廟堂記

廣州府學宮圖碑

在

宣聖克公小影碑陰隸額下有記述脩造工費一段天順
癸未淳安胡拱辰書其書亦可觀而文特委曲詳悉昔
人稱店賬鋪券皆可鋪叙為文者也雖未免近于延君
說書之誚然亦見昔人辦事不苟處

淳熙增置廣州贍學田記

隸額陳德銘行楷書後半多泐

又有學田段畝步下項一碑皆州人沒入官田號數淳熙十一年正月日記此當與前碑同時立

嘉熙增修學廩記

文已不完前有嘉熙丁酉字後有廣州州學教授合沙劉漢英撰文此碑字畫完者尚有筆意可觀

廣州府學元碑

篆額詔文大德十一年七月日上天眷命皇帝聖旨
楷帶篆法

明嘉靖御書程子四箴范香溪心箴

凡六碑動箴碑後跋云斯四箴者作之在於程頤以斯
四箴而致其君者乃吾輔臣張璁也箴之功不在程氏
而在于璁云嘉靖丁亥歲季冬越三日注又一碑有
張璁奏摹宸翰刻布凡三段後又有楊一清謝遷張璁
翟鑾題請將敬一箴重刻設于亭中并奉勅旨以敬一
名亭一段外又有敬一箴碑一通此數碑諸郡皆有
摹刻惟廣州全存

杏壇碑

杏壇二篆字長各二尺許其陰篆額文凡上下二段賦

在上方八分書崑山衛塔寧深造下方一段賦跋也大
略謂廣州府學明倫堂前大成殿後有巨石刻杏壇二
篆字元泰之間教授呂宏道立其書則范經□□仁也
左都御史馬公昂於崑山亭後闢地爲壇重刻此石刻
崑山衛寧深所作賦於石後鄭教授萬奎請書其事石
下天順四年秋九月朔日判廣州府前翰林院學士金
城黃諫跋并書亦帶有隸古意

嘉靖重修廣州府儒學記

嘉靖二十一年壬寅十月南京國子監祭酒南海倫以
訓撰文署掌南京翰林院事香山黃佐書丹

湛文簡大成樂記

嘉靖三十八年己未正月二十六日前南京兵部尚書

國子監祭酒翰林侍讀學士同脩國史九十四甘泉生

增城湛若水撰文

明碑不具錄錄以其人潮州改創漁溪先生祠記則大簡書也時為嘉靖三十三年甲寅正月九日文簡奉八

九十

乾隆三十四年春

上以重脩太學落成

特頒內府周范蘇器陳

大成殿中方綱校士領海既率博士弟子頌歌

盛典爰飭所司詳加考訂祭器樂器鑄造歲月日彙為冊

用昭敬守而諸學官所範器無甚古者故略擗數件附
記廣州學碑刻後

廣州府學銅爵六陽識泰定乙丑瀛泉書院山長倉克
義任內置掌儀彭九思監造銅籩十三銅簋一識同

銅籩二陽識至正二年正月吉日廣州路儒學教授傅
若金補置掌殿張常德監造

銅籩二十陽識廣州路學四字銅簋二簋五識同

南雄府學大銅香爐一陰款亞中大夫南雄路總管府
達魯花赤兼管內勸農事憲吏奢提調儒學鑄造以供
先聖祭祀至正乙未年孟夏吉旦誌

惠州府學銅簋四銅簋十皆陽識延祐乙卯教授鄭焱
孫任內置海豐教諭梁若水掌儀邛子昌督工吉安鑄
匠楊榮甫

王象之輿地碑記目吳隱之貪泉記在廣州治廳事東
又貪泉碑唐南海別駕陳元伯銘舊植于泉之側亭上
今徙於廣平堂

鄭氏通志金石略云貪泉
銘一篆書一本書在廣州

又廣州都督宋公遺

愛碑頌張說撰

宋公
撰碑

饗軍堂記柳子厚文又廣州古塼塼

面範四大字云委於鬼工魏侍郎瓘知廣州日所得十
賁并後序蔣之奇撰州學記王十朋撰今皆不存

貪泉碑今在廣州石門刻貪泉二大字字運一尺五寸

明萬曆二十二年四月郡人右布政使李鳳等立其上
刻晉刺史吳隱之詩

拱北樓銅漏壺識

延祐三年十二月十六日造後列廣東宣慰使司元帥
府監鑄諸官姓名凡十九行

光孝寺菩提樹髮塔記

記勒石於儀鳳元年丙子法性寺住持僧法才立文載
曹溪志云此碑見存省城光孝寺菩提樹下乃唐刻
也然今樹下之石乃明萬曆壬子重刻

寶曆石幢

在光孝寺二門西榕樹下兩面皆有字同經略副使將仕郎前守辰州都督府監博士廬江郡何宥則敬為亡兄節度隨軍文林郎守康州司馬宥卿造此大悲陀羅尼幢

寶曆二年歲次景午十二月一日法性寺住持大德魚蒲澗寺大德僧欽造書欽造閩川人正書

光孝寺鐵塔識

廣州光孝寺有二鐵塔其在東院者以黃金塗之南漢主劉鋹所造塔下一層識云大漢皇帝以大寶十一年丁未歲勅有司用烏金鑄造千佛寶塔一座七層并相

蓮花座高二丈二尺保龍志有慶祈鳳歷無疆萬方咸

作瓜於清平八表永承於交泰志後善十同春秋注作有三有福

被四恩以四缺元乾德節設齋慶讚謹記其南面之左云

內殿大僧錄教中大法師金紫光祿缺志作大夫檢校工部尚

書曉真大師沙門臣此缺處似有字志作監造右云教中大法師內

供奉講經首座金紫缺志作先陳大夫檢校工部尚書寶法大師

沙門臣志作監造其餘數面款文皆不可拓据志北面之

左云教中大法師內供奉金紫光祿大夫檢校工部尚

書佑喜大法師沙門監造右云教中大法師金紫光祿

大夫檢校工部尚書了聞沙門監造東面之左云都監

住持秀華宮使上將軍上柱國□伯食邑十萬戶□□
監造寺西院又有千佛鐵塔其識云玉清宮使德陵使
龍德宮使開府儀同三司行內侍監上柱國龔澄樞同
女弟子鄧氏三十二娘以大寶六年歲次癸亥志作丑誤五月
壬子朔十七日戊辰鑄造永充供養兩塔高大略相等
東塔較高朱竹垞謂見二塔並立一屋中脩短不齊一
作記一題名始悟曩時拓本合二為一記之不詳疑未
得其實也又謂其列名皆宦者今觀其列名皆沙門監
造而宦者惟龔澄樞一人且其塔乃澄樞自造又在欽
所造之最亦不得合為一也

又按竹垞書錄題銘後記劉龍去塚碑事與王文簡墓誌
紀聞所載頗有錯互余甲申秋將出都時錢辛楣學士
始首以此託為攷訂比孤身訪諸官吏與土人間其所
謂北亭者在舊禹城東二十里許而劉龔之塚與碑則
竟無知者蓋二先生亦皆非得自親睹所以傳寫或有
訛失即如竹垞所記係光天元年而文簡則疑光天無
五年而所據載者乃作五年廣東新語亦作元年又盧應下文簡所
記是初字廣東新語所記是勅字俱無奉字而竹垞所
記則多一奉字安知初字非即勅字之誤乎竹垞稱陳
元孝語予云則是竹垞既得自口傳而元孝復出自

記憶無怪乎王朱兩先生之傳聞異詞矣

大鑒禪師殿記

文与額皆正書在光孝寺六祖殿前

咸淳五年十一月初七日華文閣直學士通奉大夫廣
南東路經略安撫使馬步軍都總管兼知廣州軍州事
兼管内勸農使陳宗禮記朝散大夫提舉廣南東路常
平義倉茶鹽公事兼權運判冷應徵題蓋宣教郎知廣
州南海縣主管勸農公事兼弓手寨兵軍正王應麟書
寺之伽藍殿內大鐵鑊有延祐年字已磨滅不可識
寺東禪室後池上有廊湛若八分書洗硯池三大字刻

題廊露二字州書

寺有米元章書三世佛名凡十二字在祝聖殿梁間附記於此

六榕寺證道歌碑

六榕寺舊有王勃碑今不可見矣永嘉禪師證道歌一碑兩面皆刻字合碑陰讀之皆七言歌詞文尚不完又無他本可對而其上篆額曰皇宋廣州重開永嘉亦似文未完者碑字勁逸似坡公書

寺舊為淨慧寺後長公南遷過此書六榕二大字因以六榕名今寺

額印後書也然猶疑是秀木

康寅秋又得石五片合成一面其上橫額證道訶碑四

篆書此是前碑之第四幅應尚有其一幅不知在何處
也此碑裂為六訪得其五而合之尚少中腹一段譌詞
後小字蓋其跋也斷落不數行矣略見者上中皆論佛
書語下有□□慧禪□□□□□□□□年
年字誤下
卿不甚明丙
子□□□□□□鄉貢□□□□□□沙門□□賜紫住□
□□□□慧禪

寺有宋紹聖間寶雞主簿林修重建碑宗室康州刺史
尉盜撰王渙洋先生載諸廣州遊覽小志今亦不見
五仙觀古成之詩碑

隸額曰古儒舊題中二段艸書七律一首五律十韻一

首下段跋云紫虛真仙古成之字亞與所題遺什再訪
翠珉不書季月 跋以古為增城人与惠州志不同
孫典籍重修五仙觀記

洪武二年己酉暮春郡人孫贊擬臨川吳湯舉書朱竹
垞言觀有建中靖國碑今訪問無知者矣

五仙觀鐘識

五仙觀鐘識大篆書徑二三寸洪武十一年戊午孟春
十八日辛卯廣東等處承宣布政使司鑄造

五仙觀湛甘泉詩碑

白蓮池上訪仙蹤有仙蹟聽攢眉夜夜鐘七十年前燈火

地東尋無路白雲封甘泉子成童館坡山白蓮池東房
嘉靖甲寅夏李□□青霞父子邀飲於大鐘之樓舊跡
變遷惕焉感懷時是秋七月三日前南京兵部尚書湛
若水書

寺內東側三元殿前有池片石陂陀泉出其中刻仙
人足跡四字

真武像贊

石刻在五仙觀嘉靖乙丑羅浮山人黎民表八分書

海珠寺觀音像

右方款云唐吳道子作上有正書摩訶般若波羅密多

心經万歷己亥仲春鎮寺廣東都督雲間侯繼高黃沐
謹募并書碑陰又一像像後題云大明萬歷丁亥年造
下□□重修前有文一段六行行八字類頌聖祝釐之
詞字皆泐不可辨上有慈聖宣文明肅皇太后之寶

蒲礪寺蘓詩

蘇詩廣州蒲礪寺七律舊刻已失明人劉介齡集公書
摹勒上石第四句漏天誤作涵天第五句方士宅誤作
居士宅

寺又一碑介齡行州書萬里雲間成五馬劍門關亂山
極目無際西北是長安人苦百年塗炭鬼泣三邊鋒鏑

天道久應還手寫田屯奏炯炯寸心丹 對青燈搔白
髮漏聲殘老來勲業未就妨却一身閒蒲礪清泉白石
梅嶺綠陰青子惟我舊盟寒烽火平安夜歸夢到家山
古水調歌頭清獻公寓蜀作句有蒲礪清泉白石目謀
并蘇作刻馬二公高風餘韵千載洒然令人追慕後學
劉介齡跋并書萬歷丁亥歲暮勒上石

此詞崔氏祠堂別有石刻白沙書第四句作直址是長
安第六句泣作哭梅嶺句在蒲礪句之上後跋云右調
水調歌頭吾鄉前輩菊坡先生宋丞相清獻崔公鎮蜀
時題劍閣即此詞也萊夢拜公坐我于林与話平生仕

止久速偶及之仰視公顏色可親一步趨間不知其已
翱翔於蓬萊道山之上欲從之上下而無由因請公手
書公忻然命具紙筆烏虜古今幽明一理人之所見則
有同異感而通之其夢也耶其非夢也耶今書遺其後
七世孫同壽云宏治甲寅冬十月白沙陳獻章識
祠又有宏治十三年左布政使周孟中等祭清獻文石
刻亦白沙書

靈峰山蘓詩石刻并像

靈峰山一名靈洲山在廣州城西北七十里
有寶陀院妙高臺蘓文忠以元符三年十月題詩於此即集中前

世德雲今我是絕句也今石是元泰定二年乙丑重摹
承德郎廣州路南海縣尹兼勸農事當陽張拱辰篆本
下有拱辰自記又明萬曆十七年南海朱完繪文忠像
當陽劉克平八分書讚克平併繪晉郭景純像于石以
景純有南海盛衣冠之氣一語也景純像又有朱完八
分書劉克治楷書二讚又有明嘉靖中閩陳謹和禪韻
詩萬曆丙戌年吳文華詩己丑年馮渠詩己亥年祝以
幽詩壬寅年陳性學李時華詩數碑不具錄

程周量云靈峰碑凡六幅字与此詩等又有公書趙然
臺記又有環翠亭牘尔公筆廣二尺許字體与詩記異

今皆不見

南漢大寶五年石塔記

東莞縣資福寺石塔南漢禹餘宮使邵廷珣以犀象害稼聚象骨建石塔以鎮之記文已剝壞首行略云以大

寶

禁字

乙卯朔六日庫申

監字

面招討使特進行內侍監上

柱國

以下不可辨

此下略云買地一段砌塔五層四面龕室裝

嚴云、自五、六行以下皆偈銘益模糊不可讀凡拓二

紙

南海古跡記云東莞鎮崇塔禹餘宮使邵廷珣遣禹餘宮漢離宮也廷珣官名僅見於此邵廷珣事漢主官內常侍大寶初宋已易周作廷珣言皆後漢口真

主已出必將盡有海內其勢非一天下不已請飭兵衛且遣使通好於宋漢主惡廷珣言直深恨之及漢美陷柳州始思廷珣言詔廷珣為招討使率舟兵屯流口廷珣招輯亡叛訓士卒修戰具國人賴以少安或謂廷珣將圖不軌漢主遂遣使賜死士卒勒祀之今尚在流口而土人無知者矣

蘇文忠所撰資福寺羅漢閣記邑人云尚存片石及拓

來視之則卻塔之後半也

王象之碑曰東莞縣五百羅漢閣記蘇軾撰又有金刻塔銘并述

邑有十

龍潭潭上石刻飛泉紫虛洞天六字石峻潭深竟不可

拓

陳白沙慈元廟碑

慈元殿在新會厓山上成化中廣東右布政劉大夏建

以祀宋楊太后碑立於宏治己未夏汧州書自跋云病

愈後尚未堪筆硯念作祠之意久未聞於天下力疾書

之後有增城門人湛雨跋

陳白沙書敢勇祠記

祠為勦徭寇死事者作廣東按察副使鬱林陶魯撰記
成化十五年己亥十月望日知縣丁積指揮同知倪麟
立石太學生邑人陳獻章書丹此碑內書隣為隣然則
粵中俗字雖前賢亦不免耶

白沙壯哉亭碑

敢勇祠後最高處作亭以為臨眺之所章以壯哉并題
其上詩五絕二首宏治元年春閏正月庚午翰林國史
檢討陳獻章閱丁酉舊稿書以遺守祠者

陳白沙弔莊節婦墓詩碑

吳村里弔莊節婦墓邑人陳獻章二詩寧都丁積一詩

後有成化二十二年丙午春正月乙亥守墓人古岡容
貫識皆白沙行書

白沙書游心樓記

記是林光緝熙撰而先生書之成化十八年壬寅二月
也碑首有八分書游心樓歸趣六字末題云東海居士
隸古下有古岡陳獻章江浦莊景五羊張詡三人詩

新會又有白沙書敬義二字碑字遙一尺五寸許成化
辛丑夏五月知縣丁積命工勒石

新會又有白沙石刻三種皆長條幅

其一有容曾過世壽堂云々七律一首公甫題筆勢飛

動

其一植竹為垣土作臺七絕一首無款

其一忍字贊上大書忍字下書贊語七情之發惟怒為
遽衆逆之加惟忍為是絕情實難處逆非易當怒火炎
以忍水制忍之又忍愈忍愈厲過一百忍為張公藝不
亂大謀其乃有濟如其不忍傾敗立至宏治丁巳夏五
月石翁書

白沙先生改築墓碑銘

嘉靖二十八年二月賜進士出身資政大夫前南京兵
部尚書奉勅叅贊機務國子祭酒翰林侍讀同修國史

經筵講官門人八十四甘泉生湛若水撰并重書

嘉會樓記

樓在新會縣東南二十里許宏治甲寅夏赴按熊成章為白沙建宏治十六年秋南海病夫張詡廷實撰并書詡白沙門人此碑筆法宛然白沙所書

二碑皆在新會之江門樓址已不可辨獨碑尚橫塍間方綱於庫寅秋檄有司俾作亭覆之

江門白沙故里在新會縣城東所謂黃雲紫水間也舊有尋樂齋春陽臺今皆圯白沙祠後有碧玉樓以貯先生遺像聘之碧玉高六寸二分闊一寸二分厚二分

無銘識

湛文簡增城縣儒學明倫堂頌

邑庠師廖君如嵩崔君時敏重修明倫堂遣諸生黎鰲
頌士嘉黎化來請銘予曰頌也為述所聞書于堂壁以
告來裔其詞曰天佑斯文萬生聖人維聖有作明倫肇
新明倫之堂翼彼相江鳳山之陰龜峰之陽曷明曷倫
先明諸心匪行匪習由仁義行於變時雍五典克從曷
從以變萬心攸同此何以然人心即天又何以然天無
二原痛癢相關泚頽汗顏赤子入井誰不惕為親義序
別信由心生非由外鑠天靈天真父子生親君臣生義

序別信生夫婦友第道在感應萬一各正其幾其微哲
哉亞聖知幾哲人知幾其神盡心盡性盡性盡倫萬古
在後千古在前誰不同天誰不同然敢告髦士同體斯
義乃升斯堂德業不匱賜進士出身資政大夫前南京
兵部尚書奉勅叅贊機務國子祭酒翰林侍讀同修國
史經筵講官賜一品服湛若水書嘉靖二十四年六月
吉知縣事何天祿主簿凌友序立石字行艸徑六七寸
增城一石刻石翁分付釣臺詩有序達摩西來傳衣為
信江門釣臺亦老夫之衣鉢也按以付民澤若水叔管將
來有無窮之祝珍重若水皇王帝伯都歸盡雪月風花

未了吟莫道金針不傳与江門風月釣臺深久坐江門
不算年蒲相當膝幾回穿如今老去還分付不賣區區
敝帚錢若水謹錄又刻千忍亭詩書付孫潤先刻石昨
宵有好言喜我潤孫賢公藝百忍字吾且至千焉鴻爐
鍛頑鐵千鍊千精堅自茲化有容習慣成自然猶聞忍
禪師引蟲噬其肩忌已不有身何物橫吾前鏡石告後
裔遵此無尤愆嘉靖三十三年甲寅九月廿有八日八
十九甘泉翁書

黎瑤石書從化三箴

從化縣堂清慎勤三箴碑立於嘉靖庚戌少詹黃佐撰

門人黎民表八分書書與箴皆穩重不佻又浚化縣尹
呂侯去思碑亦瑤石八分書

瑤石書最有名真州篆隸皆善嘗於德慶錦石山書華
表石三字大徑丈餘山高竟不可拓

從化尚有瑤石書標星門戟門二記字並不佳豈刻手
拙耶 粵之八分黎瑤石以方整勝尚有停雲華意廊
湛若以八分擅名而今石刻絕少若陳元孝八分書頗
入流宕未為近古惠州府學官重修記是元孝八分也

此卷已刻完將成帙矣辛卯十月四日得新安李南
礪文藻書拓寄縣南零丁洋赤灣天后廟碑一通其額

古募重建天妃廟後殿記八字文八分書有夏承碑遺
意天順七年春正月望後三日蘭坡黃諫書亟著于錄
而十郡州邑似此江灣島側未經按剔者尚更不知凡
幾安得盡如南礪者好而聚之乎時將變代卜移住育
賢坊摩挲曜石挑燈記此

粵東金石略卷第二

廣州府金石二

南海神廟碑

南海神廣利王廟碑使持節袁州諸軍事守袁州刺史

韓愈撰使持節循州諸軍事守循州刺史陳諫書

王象之碑目云

并篆元和十五年十月一日建按碑稱元和十二年詔用

前尚書右丞國子祭酒魯國孔公為廣州刺史至州之

明年將夏祝冊自京師至云云明年祀歸又廣廟宮而

大之明年其時公又固往咸願刻廟石以著厥美是碑

作于十五年無疑而廣州志以為十二年所作誤也廣

州志又以此碑為宋循州刺史陳諫重書今碑並無重
書字宋時職官無刺史之名而陳諫係于唐時為循州
刺史又于元和初刺封州則碑為當時所書無疑矣纂
志者或以為韓公雄文宜出韓自書不知是年之春公
已到袁州九月召拜國子祭酒冬暮至京師碑中所云
明年其時者乃指立夏氣至之時是碑蓋在袁州作也
碑尾云十月一日建則書字于石時公去粵已久矣

又按鄭氏通志金石略載隋唐碑於歐虞等以書名者
並分別其人於後而以所書之碑類次記之其叙陳諫
書凡二種

廣州南海神廟碑
義軍節度使李勣碑

次於韋縱之後唐元度之前

則陳諫在當時以書名而今知之尚賴有此碑耳奈何
撰廣州志者誣以為宋人哉

此碑書字尚有晉人遺意在殿側東廊歐陽公集古錄
云以余家舊藏集本校之皆同惟集本云蜿々蜿々而
碑云蜿々蛇々小異當以碑為正

碑陰凡四段

最上一段熙寧歲次癸丑十二月丙申距甲寅六月辛
未府帥諫議程公凡四謁南海廣利昭順王蓋將天子
之命求雨於神而雨禱兩謝之獲應頗異前太守有一
至廟下已二十餘年而後寂寥無傳今公戾止何其偉

欽亦足為靈宮一時之盛事資邦人百年之美談也時
獻官黃植趙光弼攝奉禮黎獻臣攝大祝富臨輒記於
退之之碑陰云公之子德叟叢叟陪位

第二段皇祐二年孟秋庚寅偕陸仲息子強丁寶臣元
珍李微之休甫王逢會之劉諫子上謁廣利王夕宿廟
下祖無擇擇之記彈琴道士何可從鑄字僧宗淨同行
後小字云吉陵蕭可相同男洪濤于万歷丙申九月建
醮三年己亥九月又申懺謝題記

第三段中云宗道從事於廣并今三拜祠下熙寧壬子
三月權發遣轉運使公事向宗道題 左云明萬歷己

丑冬郡人劉克修克治克平徐明遠謁祠下陟章邱登
西臺信道士省玄許後八分書四小字云朱完後至
右云嘉靖二十九年仲春丙午黃佐才伯偕門人徐兆
先履漸黎民表惟敬梁攷舜伯伏謁廟下謹題

第四段端平丙申三月清江彭鉉詣祠歲祀事登浴日
亭訪韓碑誦坡句摹本而歸刻名碑陰時廬山胡泳与
其季泓偕行

碑左側

儒以嘉靖壬午涖官寔領嶺東徃來海道多賴神祐茲
挈家還山敬謁祠下告行歲丙戌三月廣東按察司副

使吳興施儒聘之題名

碑右側

萬曆癸巳四月八日瓊臺王弘誨紹傳偕文學梁紹衷
少仲鍾昌辰維樞門人翟繩祖從先梁子壽伯遐楊惟
忠茂英遊羅浮拜謁祠下題名碑石長子汝龍壻黃庶
侍

宋開寶南海神廟碑

在廟門內西側北向正書篆額大宋新修南海廣利王
廟碑銘并序山南西道節度掌書記將仕郎守右補闕
柱國賜緋魚袋臣裴麗澤奉敕撰朝議郎行監察御史

權知端州軍州事臣韓溥奉敕書開寶六年太歲癸酉
十月九日己丑書建其文略謂天寶十載封為廣利王
自唐季戎馬生郊竊弼假名憑深恃險五嶺外郡遂為
劉氏所據殆七十年何暇禱祀獄瀆耶今皇帝受命蠱
茲災阻獨迷聲教阻絕我琛賁割剝我生民恣為淫刑
濫行不道乃出兵命將王師如時雨之降徧海岱而曾
匪崇朝渡南溟而止期一息韶廣之壘今已平矣下郡
百餘所拓土千萬里沿海舊地盡為我有未翌日廣南
道行營招討都部署潘美陳露布俘偽廣主與官屬獻
于闕下上曰廣利王廟自阻隔以來寥寥莫睹可俾重

葺乃命中使謹藏其事云云

碑陰列銜

推誠宣力同德翊戴功臣山南東道節度襄均房潁等
州觀察處置兼三司水陸發運橋道等使南面行營兵
馬部署廣南諸州計度轉運使權知廣州軍府事市舶
使金紫光祿大夫檢校太保使持節襄州諸軍事襄州
刺史兼御史大夫上柱國滎陽郡開國侯食邑二千戶
食實封二百戶潘美 推誠翊戴宣力功臣金紫光祿
大夫檢校太保使持節復州諸軍事復州刺史本州防
禦使南面行營兵馬都監兼御史大夫上柱國沛郡開

國公食邑二千五百戶朱憲 推誠翊戴功臣起復正
議大夫秘書少監使持節韶州諸軍事韶州刺史廣南
諸州轉運副使柱國瑯琊縣開國男食邑三百戶賜紫
金魚袋王明 都大提舉修廟中散大夫行尚書駕部
員外郎通判廣州軍府事兼市舶判官柱國謝處玘
奉敕監修廟文林郎守廣州錄事參軍事林洵美

此段在
左方小

字作五
長行

又碑陰題名凡三段

熙寧七年秋八月上以久旱精禱天下名山大川詔右
諫議大夫知廣州程公致祠南海洪聖廣利昭順王已

而休應云獲復命公行賽謝之禮時黃稹趙光弼為獻
官黎獻臣譚粹攝奉禮太祝陳端與公之子德史義史
陪位冬十月十八日蘇咸記李種書此段在額

聖宋皇祐辛卯歲三月十九日庚午立夏祇命致享于
洪聖廣利王廟右諫議大夫充天章閣待制知廣州田
瑜都官負外郎前監鹽倉黃鑄虞部員外郎通判朱顯
之謹題僧宗淨刊 此段在中之右字大三寸有餘

熙寧甲寅仲春十九日府幕譚粹檢季邑簿李種書碑
謁拜祠下此段在下方

乾隆丙戌九月大興翁方綱謁祠觀碑辛卯三月大

風雨事復來題記

紹興乙丑六侯碑

六侯者達奚司空封助利侯杜司空封助威侯延海
曹將軍濟應侯延海提點使順應侯王子一郎輔靈侯
王子二郎贊寧侯皆著靈應於海上者紹興乙丑中夏
廿四日蒲陽方漸紀于石 此碑在康定二年中書門
下牒碑之陰

乾道元年碑

顏篆云南海廣利洪聖昭順威顯王記

文正書左朝奉郎權發遣南恩州軍州主管等事兼管

內勸農事借紫陳豐撰右朝奉大夫提舉廣南路鹽事
廣東常平茶事賜紫金魚袋詹書左承議郎權發遣
廣南東路轉運判官兼提舉學事芮燧篆額乾道元年
十月二十五日右朝請大夫直敷文閣權發遣廣州軍
州主管學事兼管內勸農事主管廣南東路經略安撫
司公事馬步軍都總管賜紫金魚袋陳輝立石

陳輝立石
陳輝立石

一段記刻
石始末

至正戊子脩祠詩碑

至正戊子冬至日典瑞院照磨河南王按彈溥化被命
脩理南海王祠偶成一律并書

乾道重修碑

正面文十二行行書乾道□年閏七月庚辰落成洛師
康与之記并書碑陰文二十行楷書乾道丁亥冬十月
初六日經始凡八十二日而告成是歲十二月□□崇
道觀康顯記并書

宋寶慶重修碑

寶慶元年七月十五日朝議大夫廣南東路轉運判官
義溪曾噩記奉議郎充廣南東路經略安撫司主管機
宜文字清源留元崇書

洪武二年重修碑閩中徐宏撰

成化己丑重修碑永直郎余志撰

崇禎八年南海神廟記巡按葉侶顯撰

南海神廟遺祭冊文石刻併記於左

唐張九皋祭冊碑今已

復齊碑錄唐張九皋祭南海冊天寶十載三月刻

宋康定二年十一月中書門下牒

右諫議大夫叅知政事王

右諫議大夫叅知政事晁

戶部侍郎平章事章

右僕射兼門下侍郎平章事已上四行在碑之上方

承奉郎

似是口觀似是

以下不可辨

節度推官承奉郎

宣德郎試秘書省校書郎權節度掌書記章

朝奉郎尚書都官員外郎通判軍州兼勾當市舶司及
管内勸農事上騎都尉借緋謝

朝奉郎尚書都官員外郎通判軍州兼勾當市舶司及
管内勸農事輕車都尉賜緋魚袋

廣南東路諸州水陸計度轉運使兼提點市舶司本路
勸農使朝奉郎守尚書主客郎中兼權發遣軍州事護
軍賜紫金魚袋馬

慶曆二年二月十七日上石

承務郎守錄事參軍陸實書并篆額

皇祐五年牒

中書門下牒廣州南海洪聖廣利王牒奉敕易載害盈
益謙之旨蓋神道正直必有輔於教也其有陰相吾民
沮遏凶醜應答明白不列美稱曷以揚神之休南海洪
聖廣利王惟王廟食尊壽表于炎區年既遠矣唐韓愈
記稱神次最貴且有福禍之驗國家秩禮祀等尤高康
定中朕嘗增玉徽名牲幣器數罔不稱是今轉運使紆
言迺者儼獠狂悖暴集三水中流颶起舟留三日逮至
城墮廣已守備火攻甚急大風運波閉關渴飲澍雨而

足變怪妻見賊懼而遜州人咸曰王其恤我者邪朕念
顯靈佑順靡德不酬其加王以昭順之鄉神其歆茲顯
寵萬有千載永庇南服宜特封南海洪聖廣利昭順王
仍令本州差官迎彼嚴潔致祭及仰製造牌額安掛牒
至准敕故牒

皇祐五年六月二十七日

牒下層元俾祀云上心感馬名詞
臣等累作請故全載其文於此

工部侍郎叅知政事劉

給事中叅知政事梁

戶部侍郎平章事龐

碑凡三層此其上一層也第二層載皇祐五年四月十

九日廣南東路諸州水陸計度轉運使兼提點市舶司
本路勸農使朝奉郎尚書工部郎中直集賢院上騎都
尉賜緋魚袋借紫臣元絳狀奏文凡二十三行

下一層刻至和元年歲在敦牂十二月二十一日庚戌
絳謹記始興李直書丹

此碑即尚書省牒碑之北面

慶元四年尚書省牒

禮部狀擬賜廟額降勅凡小字十二行

牒奉勅宜賜英護廟為額牒至准勅故牒

右十六字大州書

慶元四年五月

省印牒

叅知政事何

叅知政事謝

右丞相

右銜姓并為一長行皆大州書

元至元癸巳中奉大夫御史臺侍御史鄭制宜侍儀司承
奉班都知楊彌堅承務郎廣南東道儒學提舉王獻記
從祭官奉議大夫同知廣東道宣慰使司事奧屯希尹朝
列大夫廣東道宣慰副使薛元禎廣州路儒學教授陳黃
裳書

延祐七年祀海記 篆額

與祭官中奉大夫廣東道宣慰使都元帥耶元謙

監祭官承直郎海北廣東道肅政廉訪司經歷完顏謙

延祐七年六月日立石

碑右側皇祐三年冬十月己卯祖無擇李樞李徽之田

聿柳淇題

宋人題名不知何以在元碑之側而字法甚峭整恐非後人所能作實不可解

泰定四年近侍火兒赤黃頭天倪體真明玄大師中微廟

住持提點玄門諸路道教所較錄曹德仁

廣州路儒學教授呂弘道記

此記在延祐七年祀海記碑陰篆額

泰定甲子承德郎御位下必闕赤倬思監御位下舍里別

赤承德郎崇福院經歷畢禮亞 廣州路儒學教授陳性
存撰文廣州路提控案牘兼照磨承發架閣連文質書
大德十一年近侍必閣赤霞怯里馬赤點 廣州路儒學
學正權管學事劉光遠記并書

至元丙子近侍速古兒赤脫火赤承務郎管領諸路怯忒
口總管府經歷蘓樞 廣州路儒學教授劉本記葛元鼎
篆額并書

至正十年秘書監卿月魯不花翰林待制楊舟 舟自為記
至正十一年大司農少卿王敬方翰林脩撰朝請大夫唐
兀安僧

至正乙未承事郎太府監右藏庫使三寶奴翰林脩撰承
務郎牛繼志 繼志自為記南安路道源書院山長黃異

書丹

八分書

碑陳大字過
許不可視

明洪武二年廣東衛指揮使胡通

洪熙元年太常寺丞孔克準

宣德十年廣東布政司盧玉潤

天順元年翰林院編修尹直

景泰五年吏科都給事中林聰

景泰六年都察院右都御史馬昂

正統九年禮科給事中章瑾

成化元年富陽伯李輿

成化四年赴撫陳灋

成化十三年赴撫朱英

成化二十年赴撫朱英

宏治元年平鄉伯陳信

宏治六年都察院右都御史閔珪

正德元年工科都給事中王縝

正德六年廣東布政司羅榮

正德七年赴撫林廷選

嘉靖十一年廣州同知沈尚經

嘉靖十七年欽差道士周大同

萬曆十六年巡察廣東蔡夢說

國朝順治八年四月七日翰林院提督四譯館太常寺少卿

孫廷銓

康熙六年八月十七日都察院左副都御史董篤行

康熙二十一年五月廿日禮部左侍郎兼翰林院學士楊

云中

康熙二十四年二月十日詹事府少詹兼翰林院侍講學

士王士正

南永志云先是順治中告祭者一
康熙中告祭者二至是凡四遣云

康熙二十七年十二月十七日承宣布政使司張建績

康熙三十五年正月二十七日詹事府少詹兼翰林院侍講學士李鐸予

康熙三十六年八月三日都察院左副都御史熊一瀟

康熙四十二年四月十日戶部右侍郎范承烈

康熙四十八年六月念七日詹事府少詹事兼翰林院侍講學士史夔

康熙五十二年七月朔日都統馬雲霄

康熙五十八年孟夏月辛酉日翰林院侍講學士李紱

雍正三年五月十二日廣東撫院年希堯

乾隆元年正月二十八日詹事府少詹兼吏部文選清吏

司郎中行走福什寶

乾隆十三年六月十九日廣東布政司恭慶

乾隆二十年九月兵部右侍郎李清芳

乾隆二十五年二月十六日 日講起居注官教習庶吉

士詹事府少詹德爾泰

寶副憲一碑尚未勒

蘇文忠浴日亭詩

石刻在亭內下半微泐題云南海浴日亭題下有小字
四行云至元十八年十月一日其餘不可辨細視其尾
似云軍都元帥廣東□□使白□書檢廣州志元至元

中有宣慰使白佐宜其人欵詩後跋云右紹聖初元東

坡先生謫惠州過浴日亭所作也壁間今存小刻乃後

人所書字缺有舛異筠舊得此真蹟於湘中嘉定辛巳立

夏祇奉皇帝缺二字上一字似是祝來謁祠下回出以壽諸石缺二字補字

蓋斯亭觀覽之偉固自足以雄視海天而此詩詞翰之

神尤足以彈壓千古缺字其缺字無傳也哉清源留筠

端父書筠正之次子也嘉定十二年知廣州府 詩第

七句忽驚鳥動行人起鳥石刻作馬字頗完好非剝泐

致誤也殊不可曉

陳白沙次浴日亭韻詩

在蘇詩碑陰草書浴日亭追次東坡韵殘月無光水拍
天漁舟數點落前灣赤騰空洞昨宵日翠展蒼茫何處
山頽影未須悲鶴髮負暄可以獻龍顏誰能手抱陽和
去散入千巖萬壑間成化乙巳夏四月望後翰林國史
檢討古岡病夫陳獻章書後有湛文簡跋云此吾師石
翁先生手書浴日亭和東坡之作也識者以為度越前
作矣夫以先生片言隻字皆發於妙道精義之蘊可以
為訓又非特詩人墨客之比已也此本嘗刻于關大正
氏而藏于道士馬^然因李鰲峰別駕以示予余久欲書
此詩刻于亭中而未能一旦得^然珠之入手也遂俾善

書者承差洗瀚精摹入石監于亭上嘉靖壬寅秋七月二十四日門人前南京兵部尚書甘泉生湛若水謹書
乾隆辛卯三月大興翁方綱風雨中來摩挲碑刻賦詩而去

閩人王命璿入春三日登浴日亭次韵三衢徐文溥嘉

靖甲申孟秋次韵各一

按廣州志王萬歷四十五年任地按徐浙江開化人嘉靖二年任按察司副使

又宏

治三年秋八月十有二日賜甲申進士嘉議大夫廣東

按察使小陰蔭綱逢字韵七律一首三碑字皆佳又有

萬歷辛丑貴陽李時華次韵詩

南海神廟銅鼓舊聞內有陽識漢伏波將軍所鑄七字
載於廣東新語漁洋先生皇華紀聞亦云下有款識未

及觀此鼓重大道人頗以啓視為難果有之當為粵中金石文第一昔每過茲廟輒以不一啓視為憾辛卯六月自東郡按試歸適值修廟語道士徑啓視之則其內光潔無一字信乎紀載之不足憑也鼓二皆在殿中東大而小大者面徑三尺五寸五分高一尺九寸六分小者面徑二尺八寸三分高一尺二寸昔人所記謂小者殺大者五之一誤也小者腹尚微廓腹下乃縮至大者則面較鼓身四邊寬出寸許腹漸縮下又漸廓朱竹垞謂鼓穹腰鐫削下蓋取二器折衷之此言良是昔人所記槩以為上廓下殺誤也大者面腹周以雷紋面縱六

畫相傳畫為指人取去今其跡猶在昔人所記面綴兩
畫成又謂小者四角金蝦蟆五為畫人所竊皆誤也大
者其面一邊鑿缺而旁各有兩耳穿以四索色青光可
鑑小者製同耳較小面紋已模糊下亦剝缺所謂鷓鴣
斑八卦畫者不甚可辨矣

高州開帝廟銅鼓
而徑三尺無紋

銅柱之字人無知者攷之傳記水經注云馬文淵建金
標為南極之界林邑記云建武十九年馬援植兩銅柱
于象林南界與西屠國分漢之南疆銘之曰銅柱折交
趾滅交趾人至今怖畏有守銅柱戶數家歲時以土培
之僅露五六尺許道里記云林邑大浦口有五銅柱水

經注言銅柱在林邑其在欽江者唐節度馬總所植也
按史元和中馬總為安南都護立二銅柱於漢故處鏡
著唐德廣東新語云馬援所立在林邑則分茅嶺銅柱
必馬總之遺也据此則分茅嶺銅柱又當有唐刻字矣
嶺在欽州西三百里州志云在州治之西貼浪都古森
崗明萬厯間有貼浪崗民曾至分茅嶺親見之嶺上茅
南北分披嶺去銅柱半里許交人峯以土培之今高
不滿丈大不知幾許柱上字蹟莫識問其路所由則曰
自貼浪扶隆行七日至八尺橋尚行八日方抵其處
云

粵東金石略卷第二終